

Zeitschrift: Le nouveau conteur vaudois et romand
Band: 91 (1964)
Heft: 1

Artikel: Avoe-r-è quyè faut pachâ ?
Autor: [s.n.]
DOI: <https://doi.org/10.5169/seals-233510>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 21.05.2025

ETH-Bibliothek Zürich, E-Periodica, <https://www.e-periodica.ch>



Page valaisanne

Avoe-r-è quyè faut pachâ ?

E moundo de ôra chon corioeu : u quyè che trucon pe hlè rote, u quyè voijon enâ pe hloeu son choeutâ bâ. I chobre toutoun brâmin de dzin yoa avoe-r-è quy'i man de homo a jaméy metu o pyà, avoe oun pu che proumenâ chou-chè u choeu-tatchyè coume de tsamot chin tan rescâ de ch'embignè. Vo j'en môtrerèy dou.

1. Aâ enâ p'o télécabine d'à Din. Apréy, vo pachâ enâ cho'a cretta de gautsi tan qu'asson di j'aroë e vo teryè oeutre p'e lapey dejo a Din. Proeu choéy quyè faut de bonne botte e de bonne tsâsse e vo j'idjyè di pyà e di man ! vo ïte mehlo avo'e roucheën, e crepon, e tséybe, e bugnè di tchyèbre, e a moffa de tote chorte de cooeu. En oun'hoeura u davoe, vo chôrti oeutre chu a tîta du Bourlâ, prâvoe-r-è qu'a chouplâ i dzoeu oun par d'an pachâ. E réy qu'oun pu véirre a batale d'a vyà d'a mô ! Oun vey tot plein de tron bourlâ, e de hloeu quyè chon adéy drey, ma vuido derën coume de tiyau dij'orguyè, e de péyrre méy grôche quyè de meyjon, quy'an choeutâ de âroeu. Prumyè chin, tornon a poeussâ de doïnte plante, ma proeu tsâpou. Y faut brâmin méy de temps po fêyre ouna dzoeu quyè po a te bourlâ. Di réy, vo méryè bâ a

baraca d'à voarda de ché bi qu'a pa méy d'éyvoe. Dequyè vo ën dère, che i Société de Dévelopemin prinjeche chu yey de mantini o bi de Chachon, avoe oun döin bran d'éivoe, tant qu'a Goli d'Ouché u tant qu'u Pra d'a Dzoeu ? Persquyè dinche, e brâmin etanco.

2. Di e Chote de Tortin, pachâ enâ co'a Cretta du Tey. Avotschê-me ba ën plan'na e che vo'ite tsica vyo, eproâ de tornâ a troâ, ëntor d'i bêe chotte nue, a vyeli chota avoe r'è quyè vo'ey ju droumey stoeu j'an pachâ, a veli de decheyja, ën djuin i carte e creblin de frey decoûte o foà. Pachâ amu ch'o Tey, vo'akoeutâ a tsanson d'Eprintse e hla du Torrin Bè, qu'arruon enâ di dou bý et quyè che mehlon avo'a tsanson di ârje. Pachâ enâ decoute a baraca du pêntre, qu'e de bou d'aroa rochê coume de koeuvro. Oucor oun poë, e vo'ite enâ u paradi terrestre : vouéy dère enâ un Plan dij-Oucheè, qu'et'i source du Torrin-Bè. Y a de fontan'ne méy hlâere qu'i chyè, de bi quyè veronnon, de gole ôrléy d'insan'na pérchea, e che n'avoetse a fond, oun vey bouedjyè 'na chabla fina coume ouna poeussa d'ô u d'ardzin. Oun dzo enâ-réy, e vo charey dèquyè-rè i repou.

(Patois de Nendaz)

Che di Bôrne.